

## SPORAZUM O SARADNJI

Zaključen između:

**1.UNIVERZITET U SARAJEVU, FAKULTETA POLITIČKIH NAUKA**, Skenderija 72,kog zastupa **dekan, Prof. dr. Sead Turčalo**,

i

**2.KJU ODGOJNI CENTAR KANTONA SARAJEVO**, Jukićeva bb. kog zastupa **direktor Mirsad Pindžo**

### Član 1.

Ovim Sporazumom se utvrđuju obaveze Fakulteta političkih nauka (u daljem tekstu: Fakultet političkih nauka) i . KJU ODGOJNI CENTAR KANTONA SARAJEVO, (u daljem tekstu: KJU ODGOJNI CENTAR KANTONA SARAJEVO, koje se odnose na upućivanje i obavljanje prakse studenata Odsjeka za socijalni rad, kao i obaveze mentora i studenata za vrijeme obavljanja prakse.

### Član 2.

Međusobna saradnja između Fakulteta političkih nauka i KJU ODGOJNI CENTAR KANTONA SARAJEVO, zasnovana je na uzajamnoj saradnji, u cilju što uspješnijeg obavljanja prakse studenata.

### Član 3.

U skladu sa Odlukom Vijeća Odsjeka za socijalni rad, studenti druge i treće godine prvog (I) ciklusa studija dužni su da obave praksu u trajanju od deset (10) radnih dana, sa osmočasovnim radnim vremenom.

### Član 4.

Za obavljanje prakse studenata Direktor KJU ODGOJNI CENTAR KANTONA SARAJEVO, ili druga ovlaštena osoba određuje mentora, diplomiranog socijalnog radnika, odnosno socijalnog radnika sa bogatim radnim iskustvom.

Imena mentora prakse, koji će biti u stalnom kontaktu sa Fakultetom političkih nauka, će se usaglasiti između Fakulteta i KJU ODGOJNI CENTAR KANTONA SARAJEVO.

### Član 5.

Sa ciljem praćenja obavljanja prakse studenata, Fakultet političkih nauka je u obavezi da odredi nastavnika/saradnika za stalni kontakt sa KJU ODGOJNI CENTAR KANTONA SARAJEVO i mentorom prakse i planirane obilaske studenata na praksi.

Nastavnik/saradnik, ovlašten od strane Fakulteta političkih nauka, dužan je da se prije početka prakse studenata upozna sa djelatnošću i zadacima KJU ODGOJNI CENTAR KANTONA SARAJEVO, načinom organizacije rada, Pravilima o kućnom redu KJU ODGOJNI CENTAR KANTONA SARAJEVO, zadacima i obavezama studenata za vrijeme obavljanja prakse u KJU ODGOJNI CENTAR KANTONA SARAJEVO, te da o svemu upozna studente prije dolaska na praksu, odnosno da ih pripremi za obavljanje prakse.

Za vrijeme obavljanja prakse studenata Fakulteta političkih nauka u KJU ODGOJNI CENTAR KANTONA SARAJEVO, nastavnik/saradnik Fakulteta, mentor prakse i stručno osoblje KJU ODGOJNI CENTAR KANTONA SARAJEVO i Fakulteta političkih nauka dužni su da međusobno sarađuju.

#### Član 6.

Mentor prakse je dužan da bliže upozna studenta sa načinom organizacije rada KJU ODGOJNI CENTAR KANTONA SARAJEVO, normativnim aktima i zadacima koje obavlja socijalni radnik KJU ODGOJNI CENTAR KANTONA SARAJEVO.

Mentor prakse je obavezan da studentu u skladu sa njegovim interesima obezbijedi kontakte sa drugim subjektima i uvid u dokumentaciju.

Mentor prakse je dužan da sarađuje sa nastavnicima i saradnicima Fakulteta političkih nauka, da ih obavještava o radu studenata na praksi i eventualnim problemima sa kojima se student ili mentor suočavaju.

#### Član 7.

Obaveza studenata je da se za vrijeme obavljanja prakse pridržavaju odredaba Pravila o kućnom redu KJU ODGOJNI CENTAR KANTONA SARAJEVO, da poštuju ličnost korisnika usluga i njihovu privatnost, da sa ličnim podacima koje saznaju i prikupe u toku obavljanja prakse postupaju u skladu sa Zakonom o zaštiti ličnih podataka, da čuvaju tajnost dokumenata i podataka koji predstavljaju službenu, poslovnu ili profesionalnu tajnu, te da u svemu postupaju u skladu sa zahtjevima i uputama mentora prakse.

Student je za vrijeme prakse dužan da se upozna sa osnovnim metodskim postupcima u socijalnom radu:

- vođenje prijemnog intervjua,
- socijalno dijagnostičiranje, evaluacija, prognoza,
- stručna obrada slučaja (socijalna anamneza),
- određivanje socijalne terapije i cjelokupni tretman klijenta,
- vođenje administracije i dr.

## Član 8.

U skladu sa Nastavnim planom i programom Fakulteta političkih nauka, student je dužan:

- provesti određen broj dana i sati na praksi,
- sačiniti dnevnik o svom radu koji mora da bude potpisan i ovjeren od strane mentora,
- sačiniti dvije socijalne anamneze (student dužan sačiniti dvije socijalne anamneze na osnovu provedenog vremena u ustanovi i razgovora s korisnicima).
- postupiti u skladu sa zahtjevima mentora, te da zajedno sa mentorom na kraju prakse urade evaluaciju i daju prijedloge za unaprijeđenje prakse,
- u roku od 15 dana po završetku prakse sačiniti i izvještaj i dostaviti ga na ocjenu nastavniku/saradniku Fakulteta.

## Član 9.

Nakon potpisivanja Sporazuma, ukoliko to bude potrebno, zakazat će se sastanak na kojem će se sačiniti zajednički plan aktivnosti.

## Član 10.

Ovaj Sporazum o saradnji će biti otvoren za izmjene, uz uzajamnu saglasnost i na osnovu zahtjeva neposrednih nosilaca obaveza utvrđenih u Sporazumu.

Fakultet političkih nauka UNSA može raskinuti ovaj Sporazum u roku od 30/trideset dana u slijedećim slučajevima:

- ako utvrdi da ne postoje objektivne pretpostavke za uspješno izvođenje terenske nastave,
- ako utvrdi da strana potpisnica - partner ne postupa sukladno ugovorenim odredbama.

## Član 11.

Sporazum stupa na snagu danom obostranog potpisivanja, a primjenjivat će se neodređeno vrijeme. Svaka strana potpisnica Sporazuma ima pravo jednostrano raskinuti Sporazum o saradnji uz prethodno obavještenje drugoj Strani potpisnici u roku od 30 /trideset/ dana.

## Član 12.

Ovaj Sporazum je sačinjen u 4 (četiri) istovjetna primjerka, od kojih svaka strana zadržava po 2(dva) primjerka.

DIREKTOR

Mirsad Pindžo

Broj: 01-3-2084-9/20

Sarajevo, 09.10.2020. godine

DEKAN

Prof. dr. Sead Turčalo

31-01-45-967/20  
09.10.2020